



Iventus Di Fumu di Inséndius Florestal

Mudansa klimátiku sta provoka aumentu di sekas, kalor istrému y danifikason di praga na florestas na Merka di Nort, u ki ta leba a inda más inséndius istrému. Fumu di inséndius, mesmu si sta kilómetrus di distánsia, pode traze mau kualidádi di ar na Massachusetts.

Kel mau kualidádi di ar li pode piora alerjias y provoka infesons respiratóriu prinsipalmenti na pesoas ku duénsa kardíaku, asma y otus duénsa pulmonar.



Kenha ki sa ta kore más risku?

Alguns pesoa pode sta kore más risku duranti un iventu di fumu di inséndiu florestal pamodi lugar undi ki es ta mora, ses asésu a informason ofisial di guvernu, dispunibilidadi di rikursus pa pripara y da risposta y faktu di dje-s ten probléma di saúdi. Kes pesoa ta inklui:

- Kriansas ku ménu di 5 anu y pesoas ku más di 65 anu
- Pesoas grávida
- Pesoas di kor dividu a rasismu sistemátiku
- Pesoas ki ta fala puku ô nada di inglêš ki pode ka resebe mensázens di imerjénsia na ses língua maternu
- Pesoas ku difisiénsias
- Pesoas ki dja ten problémas di saúdi sima duénsas kardíaku, asma, duénsas pulmonar y alerjias respiratóriu
- Pesoas ki ta trabadja ô faze izersísiu na ar livri

Kuzé ki nu pode faze?

- Fala ku bu médiku sobri uzu di midikamentu di asma duranti un iventu di fumu di inséndiu florestal
- [Fika atualizadu sobri kes informason y alerta lokal sobri kualidadi di ar na bu kumunidade](#)
- Faze planu pa pasa atividadis di istirior pa dentu kaza duranti iventus di fumu di inséndiu florestal
- Fitxa janelas y aberturas di ventilason na kazas y veíkulus duranti inséndius florestal
- Uza filtrus di ar di altu ifikásia (HEPA) na sistémas di akesimentu y di rifrijerason
- [Prende modi ki bu ta kria un sala di ar linpu na bu kaza ku uzu di un aventuinha di kaxa](#)
- Guarda un stoki di máskara N95, prende uza-s y pratika uzu di pikenus máskara N95 ô sirujiku na bu fidju

